

黔陽縣志卷十

山川考四

猺峒 古稱三苗之國皆今楚黔地漢書南蠻傳昔高辛氏有犬戎之寇帝患其侵暴而征伐不克乃訪募天下有能得犬戎之將吳將軍頭者購黃金千鎰邑萬家又妻以少女時帝有畜犬其毛五采名曰槃瓠遂啣人頭送闕下羣臣怪而診之乃吳將軍首也帝大喜而計槃瓠不可妻之以女又無封爵之道議欲有報而未知所宜女聞之以爲帝皇下令不可違信因請行帝不得已乃以女配槃瓠槃瓠得女負而走入南山止石室中經三年生子一十二人六男六女槃瓠死後因自相夫妻今長沙武陵蠻是也注今辰州府瀘溪縣有武山黃閔武陵記曰山高可萬仞山半有槃瓠石室遙見一石仍似狗形蠻俗相傳云是槃瓠像也羅泌路史論

黔陽縣志

卷第十

山川四

一

槃瓠之妄曰予稽夏后氏之書伯益經云卞明生白犬是爲蠻人之祖卞明黃帝之曾孫也白犬者乃其子之名蓋若後世之烏鶻犬子豹奴虎狆云者非狗犬也雖然世之誕妄厥有形影其言之不典亦實自於經也杜君卿固疑其誕謂黃金古以斤計至秦始皇曰鎰一也三代分土漢始分人古安得萬家之封二也將軍周末之官三也吳姓宜周始有四也佑之難亦當矣按風俗通槃瓠浮之東南海中是爲犬封氏初爲蠻人之祖而郭璞張華于寶范燁季延壽梁載言樂史之徒枝葉其說遂儼然萬家之封矣苗類甚多曰玃曰獠曰獠曰獠曰獠曰獠曰獠曰獠曰獠曰獠曰獠又有青紅白黑花各種其錯處乾州永綏鳳凰三廳者謂之紅苗獠人居山谷間不事賦役謂之獠人有山獠民獠之分民獠與夏人雜居服食居處冠婚喪祭俱與民同考試給衣衿其歲考所取獠生

仍與生監一例鄉試我

朝文明之盛自古未有也山獠則言語不通嗜好居處與巴渝同俗隋書地理志云諸蠻本其所出承槃瓠之後故服章多以班布爲飾其相呼以蠻則爲深忌其死喪之禮雖無被髮袒踊亦知號叫哭泣始死卽出屍中庭斂畢送至山中著芒接羅名曰茅綏各執竹竿一丈許上三四尺猶帶枝葉其行伍前却皆節奏歌唸叫呼亦有章曲其左人則又不同始死置屍館舍鄰里少年各持弓箭遶屍而歌以箭扣弓爲節其歌辭說平生樂事以至終卒亦猶今之挽歌歌數十闋乃棺斂送往山林別爲廬舍待二三十棺始總葬石窟宋熙甯時南江之舒氏北江之彭氏梅山之蘇氏誠州之楊氏相繼納土比內地爲王民南江諸蠻自辰州達於長沙邵陽各有溪峒曰敘曰峽曰中勝曰元則舒氏居之曰獎曰錦曰懿

黔陽縣志

卷第十

山川四

二

曰晃則田氏居之曰富曰鶴曰保順曰天賜曰古則向氏居之自章愔破懿州南江諸峒悉平

詳載

黔陽今縣所存者惟羅翁山攷張扶

翼獠山志及沅州府志縣東供洪子弟鄉界去縣城一百八十餘里其山八面七面向湖之南一面向西北卽縣界也山各有峒峒各有寨隨所居而異民以時盛衰其俗質直好鬪少長不去兵長於毒弩片刀跣足登山捷若猿獠身服紅短衣刺以雜綵所居不爲屋宇隨在構木葺茅足蔽風雨而已不設寢具男女一室臥苦次上旁爲火池雖隆冬盛夏不去也

按今亦有寢具設大榻高四尺五尺男女雜臥其上則豬

牛犬雞之屬

山所生惟黍喬凡菽粟鹽布皆需於外藥惟黃柏皮客之

少本者市鹽布雜綵繒到山交易刻期與貨亦不爽約然性多疑雖素所親信不令上山恐識其出入徑道以爲之害也婦女椎髻露胷前後衣皆刺綵繡作花卉形裳不及膝性頗純女多有外行

既婚則不敢爲亂夫婦相愛不及惡聲婦外淫則立置之死婦死不怨惟篤於報怨雖睚眦之仇操兵以向甚而祖父之怨子孫必讐獠凡四姓曰木古界則風姓居之曰藍家洞則狗姓居之曰靛岡山則沈姓居之後徙居梓木駝曰照面山則克姓居之往時頗桀驁難馴康熙年間官斯土者以恩信招徠給以荒田使之佃作迄今尤帖然畏法爭先輸賦稽其烟戶現一百八十有奇按此系乾隆五十四年所引府志云族姓亦不一安插得所民樂其業沾被華風已久諸峒砦餘習革除略盡非如他處之被髮跣足卉服鳥言者也按跣足爲言獠俗未之有改惟從漢者則不復舊俗要亦不得以獠名矣

志曰黔陽自宋熙甯以來久爲衣冠華族雖西南逼近苗疆而畛域攸分風會迥異惟羅翁山尙有獠峒

國朝康熙撫定後

黔陽縣志

卷第十

山川四

三

聲教所暨種類漸更卽有一二部落堅守舊習者亦日就消歇松柏之下其草不殖有以哉然則欲弭其患莫如先變其俗化獷悍以詩書易椎髻以簪胄弱始於文心革於面斯上計矣何必泥於衙其酋長使自鎮撫之之說令終爲化外頑民也

五溪類攷 水經注武陵有五溪謂雄溪櫛溪力溪無溪酉溪也一曰櫛溪無溪雄溪辰溪酉溪攷溪入縣地者三蓋沅水在黔陽居上游經托口以下達於辰溪縣界首托口受櫛次至縣城西南受無又次至東南洪江受雄也櫛溪水經注土俗作朗一統志郎江在縣西二十里源出貴州錦屏縣湖耳山東北合渠河又北流入辰州府黔陽縣界按此未分沅州府之時一名狼江又名朗溪宋狼山砦以此名會同志郎江入縣界過郎坡橫流入狼洞會於三江口上受渠河潭溪之水至托口入沅江隋志作郎溪又作狼江沅州志

從湖耳山陰迤過朗坡黃強入於狼洞又東北納潭溪水又東北  
納渠河水又北至黔陽縣托口入沅按郎江即朗溪一名郎溪又  
名狼江又名朗江是櫛一水  
六名即今托口在縣西南四十五里其言郎江在縣二十里者誤俗傳朗溪曰渠水特以入朗之

渠水加名於此耳攷靖州志渠水在州南源出通道之佛子嶺一  
統志渠水源出通道縣西南北流入州界又北流至會同縣西北  
入郎溪一名渠河一名渠江又名芙蓉江亦名南川河方輿紀要  
渠水經通道縣東北七十三里門破中入州界又明史地理志西  
北有播陽河自貴州黎平府流合焉按播陽入渠今靖州地據此播陽至靖

州入渠渠至會同入朗朗至黔陽入沅今托口右唐貞觀八年析  
龍標縣置朗溪縣  大清一統志黔陽西南四十里有諸葛城  
爲唐朗溪故城也沅州府志朗溪辨云諸書所紀足以證朗溪之  
所在舊志不知何據竟謂朗溪在城內自察院坡由奎光閣出濠

### 黔陽縣志

#### 卷第十

山川四

四

達江縣因以名今湮其說真悠謬不經若謂溪在城內縣卽置城  
內將何以解於龍標蓋是時析龍標置朗溪非廢龍標置朗溪也  
必如舊志所云是郎溪與龍標必同城而治而後可也然與否與

按朗溪止於托口源於貴州錦屏縣湖耳山攷湖耳山長官司原  
係黎平府地邑人考云過黎平之雙堆子洪州所下流通道經靖  
州入會同縣界過朗坡橫流入狼洞受潭溪渠河之水攷洪州潭  
溪皆黎平舊長官司地其出湖耳無疑而隋書地理志辰谿有明溪  
溪今其地與此相去甚遠不知何據又一統志載沅陵縣有明溪  
在縣西北百里源出永順府永順縣南流入酉水古名櫛溪有五溪  
之一夫既入酉則宜以酉統之是不得列  
於五溪明矣皆未爲深詳姑辨明於此

無溪一統志在州南沅自貴州玉屏縣東流入沅州界又東南流

至黔陽縣城西入沅水曰巫水曰澗水曰舞水一作澗水五溪之

一一水五名聲相變也明史地理志州西有舞水卽無水也流入

於沅水  舊沅州府志沅水澗水辨云方輿紀要沅江在沅州西

南五里又云澗水在州南四里又引熊氏曰今辰州之武溪卽古

無水沅州之澧溪蓋卽沅水之異名耳東還紀程引顧開雍曰考鎮遠以下澧沅二水桑欽氏言沅水出牂牁且蘭縣爲旁溝水至潭成爲沅水而酈道元又言無水出故且蘭南流至無陽故縣又東南入沅謂之無口無水卽澧水無陽卽潭成桑沂始言沅酈析流言無而皆出於且蘭總一水也不猶濟瀆之出王屋山伏名沆見名濟乎或謂其支從黃平州者抑末矣舊州志澧水卽沅江一名澧溪源出四川播州按諸書皆謂澧水卽沅水是混沅澧而一之其說均非不可不辨蓋熊氏之以澧溪卽沅水者由誤以武溪卽無水耳夫無水之名見於水經注武溪之名亦見於水經注水經注謂武溪源出武山南注於沅後漢書注今辰州瀘溪縣西有武出高可萬仞元和郡縣志亦云盧水在瀘溪縣西二百五十里卽武溪所出是武溪可名盧水而按其源流與出自故且蘭東黔陽縣志

卷第十

山川四

五

蘭南流至無陽故縣者蓋謂沅之上流另有此一支之水流入沅故注文至謂之無口句下又云沅水東逕無陽縣前有故字而後無故字則六字之非經文可知自明朱鬱儀移六字爲經文且自謂據宋本改正鬱儀與楊升庵並號博雅其點竄古人不無穿鑿附會則所謂改正之經文安知非卽升庵補石鼓譚岫巖碑之類與顧氏不細繹經注漫以泝始析流爲得解強爲合一之說以誤人而鬱儀之移易經注竟置漢無陽於鐔成之東而莫有知其非者尤可怪也若謂支從黃平州者則常德府志釋沅水之言彼意沅水爲正澗水爲支雖知澗水之源而未盡也大約與方輿紀要之既有沅又有澗同屬兩歧之見耳舊州志承譌旣久未經考正故亦云然且以沅州見治於此則澗水卽沅水之見牢不可破豈知唐以前之沅州或治辰州或治常德至唐始治黔陽皆就沅水

黔陽縣志

卷第十

山川四

六

之所出與所經名之也從未有治此地者自宋熙甯中此郡始有此名則水之是澗非沅無可致疑者予恐後人之猶膠宿見也故備引諸說於前而辨之於此所以解惑者正期於傳信云

雄溪

卽熊溪

一統志在縣

黔陽

東南五十里

按五十當作六十

自靖州會同縣

流入至縣界入沅水一名洪江一名渠河五溪之一其上流名運水水經注無陽縣

按酈道元時無南臨運水水源出東南岸許山

西北徑其縣南注於熊溪熊溪南帶移山下注沅水按一統志洪江在縣東自綏甯縣流入辰州府黔陽縣界入沅江一名熊溪又名雄溪攷靖州志洪江有二源一爲綏甯縣之雙溪卽寶慶府城步縣之下流一爲綏甯縣蒔竹水至會同縣又合各溪爲洪江

按蒔

竹水又名小洪江

綏甯志雙溪在縣東五十里下會黃石水明史地理志

卽城步縣巫水之下流也

按西流入雙溪者有關破河在綏甯縣東八十里源出關破堡

又瀘溪

志載熊溪在縣西六十里水經注作雄溪五溪之一也又一統志  
雄溪在辰谿縣西三十里源出雄山東南流入辰水按一統志雄溪按名洪江而

此又言出辰谿雄山一書而彼此歧出當以洪江爲是辰溪一統志辰水在辰谿縣西南一

名錦水亦名辰溪又名錦江自貴州銅仁縣東南流入鳳凰營及  
沅州麻陽縣界又東北流入辰谿縣西南入沅水武陵五溪之一  
也攷漢書地理志辰陽三山谷辰水所出南入沅七百五十里水

經注辰水出三山谷獨母水注之又徑辰陽縣北一統志沅陵縣  
東亦有辰水與此名同實異沅陵志辰水在縣東二里發源三嵎

南流入沅水又一統志辰溪在辰谿縣東南十里源出羅子山西

南流入沅水按辰溪出羅子山者源最短殆以縣名水當從錦江爲是麻陽舊志錦水自舊錦

州發源經縣入辰今名錦江又攷冊說麻陽縣城南河自施州長  
官司流入五十里至縣城名錦江又東八十里入辰谿界 酉溪

### 黔陽縣志

#### 卷第十

#### 山川四

七

一統志酉水在沅陵縣西北自永順府永順縣流入合會溪入沅  
水一名酉溪又名北河攷水經注酉水東經沅陵縣北又東南徑  
潘承明壘西又南注沅水闕駟謂之受水其水所決入名曰酉口  
漢書地理志武陵郡充縣西陽山西水所出南至沅陵入沅行千  
三百里又水經注酉水導源益州巴郡臨江縣故武城之充縣西  
源山東南流徑黠陽故縣南又東徑遷陵故縣界與西鄉溪合謂  
之西溪口又東徑遷陵縣故城北東徑西陽故縣南又明史地理  
志白水河一名酉溪源出四川忠建司南將軍山西南流車東河  
自容美司來合流入散毛司南又東南入永順司西南下流入沅  
陵縣界此五溪之見於諸書者不無異同又按渠陽邊防攷略云  
湖北上游有五溪按詩傳大全註湖北等路諸州卽今之辰沅等府也水經注以爲雄溪欒  
溪酉溪漣溪辰溪是也土俗雄作熊欒作朗漣作武今攷諸地志

雜書而溯流尋源以窮之蓋其源有出於西陽石堤蠻界流經辰州府城西而爲北江者名酉溪出於銅仁蠻界流經麻陽縣城而爲錦江者名辰溪有從湖南界城步縣巫水出流經關硤而下爲若水洪江司者名雄溪有出自鎮遠界經沅州城西而下爲盈口竹寨江者名澧溪有出於靖西南黎平界流爲亮寨江者名櫛溪此五溪也俱各下入於沅大抵沅爲五溪正派首先受櫛次受澧次受雄又次受辰最後受酉而通稱之曰沅世傳春秋時楚子滅巴巴子兄弟五人流入五溪各爲一溪之長至秦昭襄王伐楚取其地總謂之五溪蠻故自來五溪之間頗與巴渝同俗如隋書地理志所云者至今猶然杜甫詩水散巴渝下五溪又可見五溪本與巴渝錯壤也又世傳櫛澧雄辰酉五溪之外別有龍溪敘溪桂溪武溪共爲九溪今除龍桂敘三溪本不在五溪數姑勿論也惟

黔陽縣志

卷第十

山川四

八

五溪之名酈道元以爲土俗澧作武以謂是一水耳愚考之他書及一統志則瀘溪縣西別有武溪且有武山溪自武山出卽今鎮筳蠻界之間二水合流而下至瀘溪縣前入於沅江者是也故武溪水驛置於此然此溪去澧水絕遠源委各異豈水經注亦或未免有差誤耶按水經注亦明言武水源出武山其言澧作武特土俗名始未嘗有差誤也至若馬貴與通考五溪辰酉巫武沅不知水經言五澧俗作武原非與武山之武混言而故澧實一水異名沅則統受五澧以次滙諸水而達於洞庭者也故在唐黔陽爲沅州據水名所自始今常德之沅江據水勢所由歸其不得以沅並數五溪明矣又按俗有雄溪之經沅州府城內入江尤久湮之說